

Bəra'inə nga ləkaləkətə nga Piita

¹ Wiinə ləkaləkətə ca dzə daciiki Simoonə Piita, əndə slənə nga Yeesu *Aləmasiihu, masləkee əndaakii əsə. Agi naahənə nə nyi koonə ənjitə kavə Əntanƒə ka tii vii gooŋga ətə da məghərəvənə mbərə mbərə da neenə. Ma vii gooŋgatsa, dagi gooŋgaanə nga Əntanƒə gaamə, waatoo Maluu gaamə Yeesu Aləmasiihu shigi.

² Wa Əntanƒə a tsakə koonə pwapoonə, wa ca vii koonə ndzaanə jamə aakəŋwə aakəŋwa dagi shiinə tə ci da shiinə tə Yeesu Aləmasiihu Slandanaamə.

'Wanə nga Əntanƒə da tadənaakii taamə

³ Ma Əntanƒə da baawədaakii, kə vii ci kaamə patənə nga sətə dəbee, kaama ndzaanə da kura əpinə, ama slənə sətə kadeesəkə ka ci. Ma ətsə patə, dagi shiinə gaamə tə ci, Əndətə 'wii taamə kaama ndzaanə agi dūunuunaakii da nga'əənaakii. ⁴ Də ha'ə upaa amə madiigərə uushi'iitə dīi ci aləkawalə nga viinə ka ənjaakii. Ma uushi'inəkii, tə'i ci da məghərəvənə ngaanƒa'ə. Ma vii Əntanƒə koonə uushi'inəkii, kaa ca shii gatsəgi koonə də bwaya uushi'iitə ci ginə nga ənjə a moo ganə a duuniya, ətə ca kərə tə tii ka ha nga zanə. Ma dīi ci ha'ə, koonə ndzaanə makə naakii.

⁵ Aciikii nē nyi ka banē koonē, ciŋēmē, una tsakē ŋga'əənē aagi vii gooŋga goonē. Tsakəvēmē shii gooŋgaanē aagi ŋga'əənē goonē. ⁶ Ŋgərēmē ətsətə na, una tsakəvə aagi shii gooŋgaanē; una ŋgərə sə'watənē, una tsakəvə aagi ətsətə na, una tsakəvə nə'unə tē Əntanfə aagi sə'watənē. ⁷ Tsakəvēmē uufəshinē ahadoonē aagi nə'unə tē Əntanfə, una tsakəvə uufənē tē ənji patē aagi uufəshinē ahadoonē. ⁸ Mada aagi dānē nuunē ha'ə makē ətsə taa guci patē, paa unē ka ndzaanē zərakē, paa unē ka ndzaanē ka ənjitē yadē nafalati i aagi shiinē tē Slandanaamē Yeesu Aləmasiihu. ⁹ Ma əndətə paa ci ka dānē ha'ə, kē ndzaa ci makē muurəfa, kē zaanē ka ci oo'i kē tifyagi Əntanfə ka ci 'waslyakəənaakii ətə dāadii ci ŋga ŋukē.

¹⁰ Aciikii ndzəkəŋushi'inəkya, wanyinē ka banē koonē, Əntanfə ta'i tuunē, ci 'wii tuunē əsə. Makē ha'ə dii əna, ciŋēmē koona kəŋə ndihə ndihə aagi 'waatsə da tadəətsə ta'i ci tuunē. Aci mada kē dii unē ha'ə, pooshi unē ka kulānē aagi vii gooŋga goonē shaŋə. ¹¹ Də ha'ə dānē Əntanfə koonē rəgwa ŋga dēmənē aagi ŋwanjuunē ətə pooshi ka uudənē, waatoo, ŋwanjuunē ŋga Slandanaamē Yeesu Aləmasiihu Maluu gaamē. *

¹² Aciikii, taa ŋgahi kē shii unē uushi'iitsə wabi nyi koonē agyanəkii daga ŋukē, kē kəŋaanuunē agyanē gooŋgaatē fii unē əsə, patē da ha'ə pa nya bwasee ka buurətənē koonē agyanəkii

1:5 1.5-6 Tit. 2.11-12. **1:6** 1.6 Gal. 5.22-23. **1:7** 1.7 Gal. 6.10. * **1:11** 1.11 2 Tim. 4.18; Maluu: 2.20; 3.18; Tit. 3.6.

taa guci patə. ¹³ Kə daadfatə nyi hiimaaki, kə nee nyi ka danə nga'ə, nyi kə buurətə koonə agyanəkii, nyi ma'ə da i əpinə amaki, koonə shii ndzaanə də mægigi. ¹⁴ Acii kə shii nyi, ma aakəŋwa gi'u, kadə ɲgərəginə nə Əntaŋfə əpinə amaki, makə sətə bagi Slandanaamə Yeesu Aləmasiihu ka nyi. ¹⁵ Acii ha'ə, gazhi'waanaaki patə, koonə shii buurətə uushi'iitə daba'ə əntənaaki taa guci patə.

*Duunuunə ɲga Yeesu *Aləmasiihu*

¹⁶ Yoo, ma saa'itə jigunyiinə koonə agyanə shinə ɲga Slandanaamə Yeesu Aləmasiihu da dūunuunaakii, əntaa ma shi uusha dīi ətə laalatə əŋji bii inə koonə. Aa'a, pooshi; neenə nee inə ka dūunuunaakii də giniinə.

¹⁷ Ma saa'itə vii Əntaŋfə Dəsənaamə ka ci məghərəvənə da dūunuunə, inə davə kəŋə kəŋə. Kə fii inə uura ɲga Əntaŋfə ətə palee də dūunuunə patə, ca wabya tuu'ina, "Waatsə Uuzənaaki, kə uu'i nyi tə ci. Ci ca uudagi səkəki." ¹⁸ Inə də neenə na, kə fii inə uurakii də liminiinə, ca wabya dadagyə. Acii ma saa'itə wabi ci ha'ə, anə malaaba giŋwə niinə da i ci.

¹⁹ Aciikii shii inə weewee, ma sətə wabi anabinyinə, pooshi jirakənə davə taa fidyasə. Unə əsa, ɲgərətəmə haŋkala goonə agyanə sətə wabi tii, acii kə ndzaa wabənətii makə gunə ətə ca bərə ka matəku təku ha, ka ha'ə kyanə ɲga ha atsaanwə, vooda a lə'ya, ca bərə a ədzəmuunə.

1:12 1.12 Yahu. 5. **1:14** 1.14 2 Koor. 5.1; 2 Tim. 4.6; Yooh. 21.18-19. **1:16** 1.16-18 Mat. 17.1-8. **1:19** 1.19 Jab. 119.105; Rooma 1.2; 13.12; 1 Piita 1.10-11.

²⁰ Ma sətə danuunə, shiimə oo'i, ma anabaakwaatə nyaahə ənji asəkə malaaba ləkələkatə, pooshi ənji ka mbeenə ka batənə də shiinatii satii. ²¹ Acii pooshi əndə'i anabaakwaanə ətə shi əndə a dīi agi hiimaakii saakii. Amma Malaaba Ma'yanə vii ka ənji ngeerənəkii, Əntanjə a wabə da matii.

2

Majirakinə n̄ga ənji dzəgunənə

¹ Yoo, kə shi majirakinə n̄ga anabinyinə a shigi ahada ənji n̄ga Əntanjə n̄ga n̄jukə. Ha'ə makə ətsə əsə kadə nə majirakinə n̄ga ənji dzəgunənə a shigi ahadoonə. Kadə nə t̄yə dzəgunə koonə jarəwiinə kama kama, t̄yə kərə tuunə ka ha n̄ga zanə. Slandanaamə ətə p̄rapaa t̄ tii agi 'waslyakənatii maa, kadə nə t̄yə kaaree ka ci. Də danatii ha'ə nə tii ka əlyaanə zanə agyanətii ətə na shi kədəhə. ² Ha'ə maa, t̄'i hara ənji lan̄ə na n̄'u bwaya slənatii. Kadə nə hara ənjə a dzaana r̄əgwa n̄ga goon̄gaanə əsə putə n̄ga slənatii. ³ Ma tii, kadə nə t̄yə d̄a riiba duunə də waabə koonə jirakənə ka puutəma də gəna goonə. Daga n̄jukə nə Mala gənjwanatii matasəkakii. Pooshi Əndə zamaginə də tii ka tsəfə n̄unyinə shan̄ə.

⁴ Acii, ma Əntanjə, paa ci caamə aagi malaa'ikanyiitə d̄aad̄ii 'waslyakənə. Amma aagi gunə 'wa'agərə ci t̄ tii, ənjə a gwaaləgi t̄ tii davə agi matəku t̄ku ha ruku ruku, ka

gəra uusəra ŋga la gəŋwanə. ⁵ Ha'ə nə ənjitə sha dfaadii 'waslyakəənə ŋga ŋukə əsə, paa ci caamə aagitii. Ci dʒii wunəgi ci rəgwa ka ma'inə, ca bulya aasəkə duuniya aagyanə ənjitə mashiimə tə ci, zagi uushi'inə patə, see ənji mədəfə mbə'i, tighəsə də Nuuhu ətə nja waaza rəgwa ŋga gooŋgaanə ka ənja. ⁶ Ha'ə nə vəranyiitə dʒii ləmətii *Sadooma da *Gwamoorə əsə, kə zamagi Əntaŋfə də gunə. Də ha'ə baarii ci oo'i, ha'ə dʒanəkii də ənjitə paa tii ka fa wabənaakii. ⁷ Amma, ma *Luudu, əndə gooŋga nji ci akəŋwacii Əntaŋfə, kə zhimagi səkii tə ci putə ŋga ajijinəənə ŋga ənja. Ma ca, kə luupaa Əntaŋfə tə ci ka saa'ikii, ⁸ acii əntaa maŋgərəkiki əndə nji ci. Makə ndzaa ci ahada ənja, pukyanə ŋga ha patə, agi neenə nə ci ka slənatii, agi fanə nə ci uushi'iitə nji təya waabə. Amma, makə dʒii ci ka əndə gooŋga, kə biipaa ka ci səkə ka shaŋə nə sətə njii təya dfaada.

⁹ Ma uushi'iitə dfaadii Slandanaamə ha'ə patə, ka baarəginə oo'i, kə shii ci rəgwatə luupaanəkii ənjitə ca ŋgwalə aciikii agi cibatii. Ma bwaya ənji əsə, kə shii ci hatə kapaanəkii tə tii, təya cibə, ka gəra uusəra ŋga la gəŋwanə. ¹⁰ Ma ənjitə ca nə'u sətə mwayi ginə, təya bərapaa dʒuunuunə ŋga Əntaŋfə, tə tii cibeənəkii palee.

Ma majirakinə ŋga ənjitə cii kya ba koonə, paa tii ka ŋgwalənə taa acii ŋgutə uushi shaŋə, paa tii ka luuvə wabənə ŋga ənda. Taa tə

2:4 2.4 1 Piita 3.19-20; Yahu. 6. **2:5** 2.5 3.6; 1 Piita 3.20. **2:6** 2.6 'Wat. 19.24-25; Luka 17.29; Yahu. 7. **2:7** 2.7 'Wat. 19.1-16.
2:9 2.9 Ayb. 4.7; 1 Koor. 10.13; Səniinə 3.10. **2:10** 2.10 Yahu. 7-8.

uushi'iitə da məghərəvənə dagyə maa, paa tii ka dʒuunətənə, see dzaananə tə tii. ¹¹ Amma, ma malaa'ikanyinə, tə'i tii da baawəfa da ngeerənə ka shanjə, palee ka ənjitsa. Patə da ha'ə, paa tii ka dzaananə tə tii, paa tii ka kərə wulatii aakəŋwacii Əntanjə əsə. ¹² Amma, ma maji-rakinə n̄ga ənjitsa, agi dʒaadənə nə tii uushi'inə yadə hiima. Kə ndzaa tii makə uushi'inə n̄ga bilinə ətə ca poo wata ka kəəsənə, ənjə a bəələ tə tii. Agi dzaananə nə tii sətə mashiimə tii ginəkii. Makə sətə ci sə n̄ga bilinə a za, ha'ə zanətii əsə. ¹³ Kadə ki'inə nə Əntanjə ka tii shikwatii də ciba, makə sətə ci təya cibee ka hara ənji. Acii ma təya, agi moonə nə tii dʒa n̄gərəkikinə taa ka rəgwa ginə n̄ga ənja. Ma ndzaanə goonə da tii agi gəshinə, sə n̄ga ayinə koonə. Agi kadeesəkənə ka tii nə jarəwiitə ci təya kyaara koonə. ¹⁴ Kə n̄gərəgi aalə makinə han̄kalatii patə, pooshi dʒaada 'waslyakəənə ka mbu'unə ka tii shanjə. Taa da nee tii ka ənjitə ma'ə madamə ngeerənə agi nə'unə tə Əntanjə, təya kyaara ka tii jarəwiinə kama kama ka dəməgərəginə də tii aagi dʒaada 'waslyakəənə. Kə dʒagi tii ka maviinə n̄ga aalə uushi'inə n̄ga *duuniya. Kə naalagi Əntanjə tə tii. ¹⁵ Kə kagi tii rəgwa goon̄ga, təya nə'u rəgwa n̄ga Balaamə uuzənə n̄ga Bi'oorə. Ma ca, kə n̄gərəgi suuna n̄ga kwaba han̄kalaakii ka ha'ə kə aali ci rəgwa n̄ga dʒa n̄gərəkikinə kaa ca upaagi. ¹⁶ Amma kə wazhi Əntanjə ka ci putə n̄ga

2:11 2.11 Yahu. 9. **2:12** 2.12 Yahu. 10. **2:13** 2.13 Yahu. 12. **2:14** 2.14 Mat. 5.28; 2 Tim. 3.6. **2:15** 2.15 Baan. 22.7,17; Yahu. 11.

'waslyakəənaakii, ka ha'ə kə wabi vaməndaakii da ci makə əndə shiŋkinə ka saa'ikii. Makə mwayi ci slənə 'waslyakəənə agi mabaanaakii, vaməndakii a tsəŋagi ka ci rəgwa.

¹⁷ Ma majirakinə ŋga ənjitsa, kə ndzaa tii makə gəərə ətə ifəgi ma'inə davə, makə kurabiinə ətə ci mədə a ŋgərəgi. Kə tasəkapaa Əntaŋfə ka tii ha agi mandə təkunə ruku ruku.

¹⁸ Acii ma təya, agi daada məza wabənə nə tii ka dʉunətə də nətii. Agi aalə jarəwiinə ŋga tsəku də ənjitə ca bwasee ka nə'u rəgwa ŋga ənjitə mashiimə tə Əntaŋfə. Kə mwayi tii təya ləbə da tii, kaa təya slənə makə sətə mwayi shishinətii. ¹⁹ Agi banə nə tii ka ənja, “Ka upaanə nuunə dimwaanə.” Amma, ma tii boo, maviinə ŋga ŋgərəkikinə nə tii. Acii patənə ŋga sətə ŋgərəgi haŋkala ŋga ənda, kə dāgi əndəkii ka mava ŋga səkii.

²⁰ Ma ənjitə bwasee ka da ŋgərəkikinə putə ŋga shiinə tə Slandanaamə Yeesu Aləmasiihu Maluu gaamə, mada kə ənyi tii ka kapaa nətii, ŋgərəkikinəkii a ənə ka ŋgərəgi haŋkalatii, ma ndzaanatii, ka danə bwayakii ka shaŋə, palee ka ətə shi təya nji agikii, tii ma'ə mashiimə tə Yeesu. ²¹ Ma tii, guja mashiimə tii rəgwa ŋga gooŋgaanə dəŋwa'ə, acii kə ənyi tii ka kagi gooŋgaanə, təya naanagi ka fa sətə bii Əntaŋfə ka tii. ²² Weewee kə dii agyanətii makə sətə bii əndə'i wabənə tuu'ina: “Kə ənyi əda ka na'agi vaananaakii, kə ənəgərə

2:16 2.16 Baan. 22.28-31. **2:17** 2.17 Yahu. 13. **2:19** 2.19 Yooh. 8.34; Rooma 6.16. **2:20** 2.20 1.11; Mat. 12.45. **2:21** 2.21 Luka 12.47-48.

mayibə dagəla ka gwadaləna agi ndzaba.”

3

*Ənyanə nga Yeesu *Aləmasiihu aagi duuniya*

¹ Kadashinyinaakya, bəra'inə nga ləkaləkataaki ənə cii kya naahə koonə. Ma ləkaləkətənyiiisə kyakya'ə, ka buurətənə koonə agyanə sətə uugi unə shiinə, koonə da ɲunyi hiima agyanəkii nga'ə. ² Patənə nga sətə wabi anabinyinə nga Əntanƒə ɲukə, da sətə bii Maluu gaamə Slandana, waatoo ətə waazii masləkee ənji koonə, ga ca zaanə koonə shaɲə.

³ Ma sətə danuunə, shiimə oo'i, ma ətsə duuniya kədəhə ka uudənə, kadə shiginə nə ənjitə na slənə patənə nga sətə mwayi moodəfətii. Kadə nə təya tasəkə duunə, ⁴ təya ba, “Əntaa ma bii ci ka ənyanə nə ca? Mabamə ci ha'ə kwa? Aa maanə dii? Kə mətəgi dəsənaamə patə. Njananə ka saa'itə tagii Əntanƒə uushi'inə ka dəɲə əndzə'i əsə, pooshi sətə zhi'i taa gi'u.”

⁵ Ma wabi tii ha'ə, kə mwayi tii danə makə kə zaanə ka tii oo'i, daga ɲukə də batə wabənə ghənyi Əntanƒə səkəntanƒə da hanyinə. Dagi ma'inə ghənyi ci hanyinə. Ma'inəkii ca gərə tə hanyinə əsə. ⁶ Ma'inəkii əsə zamagi də duuniyatə nga ɲukə. ⁷ Ha'ə əsə nə səkəntanƒə da hanyiinə caama nee əndzə'i. Də wabəətə shigi da ma Əntanƒə kapaa ci duuniya ka gərə də

2:22 2.22 Waḡ. 26.11. **3:1** 3.1 1 Piita 1.1. **3:2** 3.2 Yahu. 17. **3:3** 3.3 Yahu. 18; 2 Tim. 3.1. **3:4** 3.4 Irim. 17.15; Əzaki. 12.22; Mat. 24.27,48-51. **3:5** 3.5 'Wat. 1.6-9; Ibər. 11.3. **3:6** 3.6 2.5; 'Wat. 7.11-21; Mat. 24.37-39.

gunə. Gunəkii na zamagi də duuniya, uusəratə nii kəya la gəɲwanə da zama də bwaya ənja.

⁸ Kadashinyinaakya, ga ca zaanə koonə nə uushi rəɲwə: ma uusəra rəɲwə da fəzə dəbu'u, kə ndzaa tii mbərə mbərə akəɲwacii Slandanaamə. ⁹ Ma Slandana, paa ci raara'ə agi də sətə bii ci danə, makə sətə ci hara əɲjə a hiima oo'i, raara'ə nə ci. Amma sə'wanə cii kəya sə'wa tuunə, acii paa ci ka moonə ca zamagi də taa wu. Kə mwayi ci taa wu patə ca bwasee ka slənə 'waslyakəənə.

¹⁰ Amma shiimə oo'i ka shinə nə uusəra ŋga Slandanaamə. Habəsə makə mahərə nə uusərakii a shi. Uusərakii nə səkəntəɲfə a dzagi dərəlyalə makə dzanə ŋga vəna. Patənə ŋga sətə agintəɲfə, kadə hənəginə nə gunə. Kadə zaginə nə hanyinə da patənə ŋga sətə asəkəkii dza'ə rarə'i.

¹¹ Makə kə shii unə oo'i, kadə zaginə nə uushi'iitə ha'ə patə, kə dəbēe una ndzaanə malaabakii ŋga'ə, una kapaa patənə ŋga nuunə ka Əntəɲfə. ¹² Gəramə uusəratə nii kəya mbu'ya, ciɲəmə də ŋgeerənə kaa uusərakii a mbəsha pii pii. Ma uusərakii, kadə hənəginə nə səkəntəɲfə mēdəkə, kadə sləwaginə nə sətə davə patə acii iza'unə ŋga gunə. ¹³ Amma, ma amə naamə, kura ha dadagyə da kura hanyinə caama gəra, makə sətə dīi Əntəɲfə aləkawalə ŋga viinə kaamə. Ma dava, gooŋgaanə na ndzaanə davə.

3:8 3.8 Jab. 90.4. **3:9** 3.9 3.15; 1 Tim. 2.4. **3:10** 3.10 1 Tees. 5.1-2; 1 Piita 4.7. **3:12** 3.12-13 Isaa. 60.21; 1 Koor. 6.9; Səniinə 21.1,27.

¹⁴ Kadashinyinaakya, makə kə shii unə tə'i kura uushi'inə nuuna upaa ha'ə, ciŋəmə də ngeerənə, kəŋeemə ka ndzaanə goonə də ŋga'ə, una ndzaa yadə idəpaa uushi ashuunə akəŋwacii Əntaŋfə, una ndzaanə agi jamənə. ¹⁵ Wunəpaamə liminuunə ŋga'ə, koonə fa. Ma nə Slandanaamə ka sə'wanə zəku'i taabu'u shinəkii, kaa ənjə a shii upaa luupaanə. Ma wabəətsa, kə nyaahə kadashinə gaamə ndzəkəŋushi'inaamə Bulusə koonə ha'ə də shiitə vii Əntaŋfə ka ci. ¹⁶ Ma ləkələkətənyinaakii patə, kala hatə wabi ci agyanə uushi'iitsa, kə wabi ci makə sənə cii kya ba koonə əndzə'i əsə. Tə'i hara uushi'inə asəkə ləkələkətətə nyaahə ci, dzawə ka liminə nə paaratəginə. Ma ənjitə mashiimə goonŋaanə, waatoo ənjitə pooshi kəŋaanə ka hakii, paa tii ka batənə də rəgwakii. Agi d'anə nə tii ha'ə də hara wabənə asəkə ləkələkətə ŋga Əntaŋfə əsə. Mashiimə tii natii gəŋwanə ci təya alya agyanətii də ciinətii.

¹⁷ Kadashinyinaakya, makə kə shii unə tə'i ənji na da ha'ə, ŋgərətəmə nuunə acii ga təya kyaara koonə jarəwiinə kama kama ŋga ŋusləginə duunə a rəgwa Əntaŋfə. ¹⁸ Ma d'anuunə, dəmə aakəŋwə aakəŋwa də shiinə tə Slandanaamə Yeesu Aləmasiihu Maluu gaamə, una dzə aakəŋwə aakəŋwa də shii pwapoon-aakii əsə. Ŋga Aləmasiihu nə d'uunuunə daga ənshinə ka ca'ə ndəŋwə ndəŋwə. *Aamiina.

3:15 3.15 3.9; Rooma 2.4. **3:17** 3.17-18 Yahu. 24-25. **3:17** 3.17 Mar. 13.5; 1 Koor. 10.12; 1 Piita 4.7.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1